

那文毅公奏議

邳文毅公初任直隸總督奏議卷三十九目錄

卷三十九

飭緝逆黨

那文毅公初任直隸總督奏議卷三十九

男容安恭輯

飭緝逆黨

嘉慶十九年三月十九日

奏爲查明東明等縣拏獲土匪名數訊明辦理彙摺具
奏事竊照上年滑縣賊氛甫靖之後所有與該縣
毗連之直隸大名府屬東明長垣并附近清豐等
縣曾有無業土匪結隊成羣放火搶掠鄉民呼爲
土匪而山東曹縣一帶亦有此種匪犯臣因該犯
等於大兵未撤之時膽敢放火搶掠實屬愍不畏

必須嚴辦示懲當飭文武員弁嚴密查拏一面
與山東撫臣同興商酌拏獲此等匪犯到案訊明
放火搶掠在三次以上者爲首之犯卽按軍法梟
首示衆爲從及搶竊一二次爲首者概行發往新
疆爲奴若僅止隨衆偷竊並無放火情事予以杖
枷隨奏蒙

硃批自應如此嚴辦欽此欽遵在案嗣經藩司素納大名
道屠之申大名府知府劉寶第提督馬瑜正定鎮
總兵徐鉅督率東明長垣清豐等縣文武員弁先
後拏獲土匪一百九十二名訊明搶竊次數照依

奏定章程分別擬以斬梟發遣枷杖內有吳大士一犯
爲首起意料搶至十一次之多並用火燒逼事主
情節較重擬以凌遲處死先後錄供開單呈報前
來均經臣查照原奏核覆批示辦理惟查此等匪
犯問擬斬梟發遣係因軍務甫竣人心未定暫時
懲創起見未可日久爲例今東明等縣一帶地方
已經安靜匪徒亦知歛蹟卽有搶竊之案未便仍
照軍法辦理臣已飭該縣等照常訊供通報按照
定例擬議解勘以昭限制并繕土戮名數清單敬

呈

御覽謹

奏奉

硃批刑部知道

謹將拏獲訊辦過東明等縣土獲名數開列清單

恭呈

御覽

訊明放火搶掠三次以上爲首問擬凌遲人犯

吳大士一名斬梟楊岱等二十六名

訊明放火搶掠三次以上爲從及搶竊一二次

爲首問發新疆爲奴張卯等十八名

訊明僅止隨衆偷竊並無放火情事問擬枷杖
盧二禿等一百四十七名

嘉慶十九年三月二十九日

奏爲遵

旨查審定擬具奏事竊臣承准軍機大臣字寄欽奉

上諭劉鑲之等奏據已革巡檢陳紹榮呈遞稟帖內稱據
被誘入教曾經自首之劉會昌告知滄州李村地方岳
輔戴邦彥等係傳教頭目曾經天津鹽政審辦僅將喫
齋念佛等情結案岳輔等全行釋放並據李村處巡檢
告以鹽政查拏各犯解訊時於戴姓家內搜出永鎮大

清榜一部盡係悖逆之詞知州取去並未呈出岳輔戴
邦彥李發等竟安然無事今於二月內岳輔等心懷劉
會昌出首之恨帶同伊子及戴邦彥等將劉會昌攢毆
洩忿控告有案並稱戴邦彥係青縣興濟鎮曾任職官
之路老手下頭目入教之人甚多等語此案著交那彥
成秉公迅速查辦不准遲延岳輔戴邦彥等是否實係
邪教案犯該鹽政於審辦時有無疎縱情弊其搜出之
永鎮大清榜邪書一部既據稟稱係該州知州取去匿
未呈出著那彥成派員確查如果係該知州藏匿未呈
卽將該知州革職拏問邪書封送軍機處並著查明劉

會昌會否被岳輔等挾嫌攢毆其青縣興濟鎮居住之路老是否係邪教匪徒有無傳授徒衆情事查明據實覆奏毋稍徇隱所有順天府原奏及陳紹榮原稟仍著發交閱看欽此

臣

遵卽飭委天津鎮總兵祥啓天津道

李鑾宣宣化府知府盛泰會同前往滄州嚴密查辦嗣據祥啓等查明岳輔戴邦彥李發曾拜季八爲師學習義和門教上年經滄州知州莊詠查拏并據劉會昌赴京首告經長蘆鹽政飭州解部審辦結案並非鹽政訊結至該州莊詠往拏各犯之時曾在戴真先家查出手抄破書一本有永鎮大

清邦無量福壽綿語句因無違悖字迹未經併解
現在附卷本年二月內劉會昌與岳輔之子岳中
峰等爭吵致被毆傷赴李村巡檢衙門控告該巡
檢虞俊送州審係口角相毆分別杖責完結又查
得青縣興濟鎮人路老曾任外委因年老告退路
老素患氣逆病症拜素習佛門教之吳二卽吳久
治爲師學習週身按摩之法並未傳徒並查明季
八經部審結後並未回家戴眞先旋卽病故將應
訊各犯查拏到案檢同各卷并戴眞先家起出原
書稟解到省適陳紹榮解往新疆路過保定府

當卽截留飭調應質各員到案督同司府親提逐一研審緣岳輔籍隸滄州與戴真先戴邦彥邢明遠王寬李興李義李發李八等曾從青縣民季八習義和門教嘉慶十八年十一月內經該州知州莊詠查拏並在戴真先家內搜出破書一束內有手抄破爛無名舊書一本寫有永鎮大清邦無量福壽綿語句均係鄉愚鄙俚頌禱之詞並非邪書時有州民劉會昌在京首告岳輔等習教經長蘆鹽政奉文飭拏該州將岳輔等申解鹽政解京起獲書籍因無違悖字迹未經併解經刑部訊明季

八與岳輔等向係鍊習坐功運氣並非邪教問擬杖責奏明完結季八並未回家戴真先旋卽病故十九年二月內劉會昌被岳輔之子岳中峰岳中嵐毆傷赴該州李村巡檢虞俊衙門控告送州審訊委因口角細故劉會昌受有微傷將岳中峰等責懲完案又有青縣民人吳二卽吳久治係祖傳佛門教不分男女以按摩治病惑人漁利並不持齋念誦經咒吳二與同縣告退外委路老誼屬瓜葛時相往來嘉慶十五年間路老因患氣逆病症吳二勸令入教路老卽拜爲師鍊習坐功運氣及

按摩週身穴道之術並未傳徒嗣路老之妻老徐氏媳小徐氏亦從吳二入教吳二又收同縣人于世洪張學孔張升張老七四人爲徒已革巡檢陳紹榮於上年被叅之後因順天府尹風聞該處有習邪教之人發給印票盤費令其前往躡訪陳紹榮行至滄州與劉會昌途遇閒談劉會昌將在京自首入義和門教拜季八爲師學坐功運氣並與岳輔之子岳中峰等鬪毆涉訟之事向陳紹榮告述陳紹榮詢問路老是否同教劉會昌荅以並不認識聽聞亦係同教陳紹榮復向李村巡檢虞俊

詢知上年該州拏獲戴真先時起出書本有永鎮
大清邦之語陳紹榮誤聽爲永鎮大清榜疑係邪
書隨書寫稟帖托署蘆溝司巡檢潘炯在順天府
尹衙門投遞奏奉

諭旨交

臣查辦當卽飭委天津鎮道並宣化府知府盛泰

馳赴滄州查明稟覆拏獲各犯檢同起獲原書押
解來省陳紹榮因另案擬發新疆路過保定經

臣

截留並調集應訊各員到案督同司府逐一研審
據各供晰前情如繪覆詰不移案無遁情查陳紹
榮所稟岳輔等習教之處業經該州獲解刑部審

明定擬奏結岳輔之子岳中峰等與劉會昌口角
鬪毆亦經該州訊責完案有卷可查至所指戴頂
先家搜出永鎮大清榜逆詞現經查出原書逐細
翻閱寫有永鎮大清邦語句委係鄉民頌禱卽俚
之詞並非違悖逆書卽路老亦僅從吳二習教並
未傳徒惑衆陳紹榮所稟不爲無因該叅員已於
另案擬遣請免重科並飭清苑縣卽行起解吳二
沿習祖傳佛門教鍊習坐功運氣並以按摩治病
爲由惑人漁利復傳授路老與其妻媳一同入教
似此男女混雜若容留內地易於惑衆滋蔓吳二

卽吳久治應請照左道惑人爲從例發新疆給額
魯特爲奴路老係告退外委罔知守法旣自拜吳
二爲師復聽任妻媳一同入教殊屬寡廉鮮恥該
犯曾任職官未便於吳二遣罪上減等擬徒應請
革去外委發往新疆永遠充當苦差吳二祖母趙
氏并妻劉氏及路老妻媳隨同入教業已罪坐夫
男請免置議仍飭縣傳喚吳趙氏等到案取具悔
過甘結責成附切近親屬保領管束如再有習教
不法情事卽嚴拏究辦吳二之徒于世洪等四名
飭縣查拘到案究明有無傳徒惑眾另行擬結劉

會昌首告岳輔等習敎業經刑部訊擬奏結現在
訊明岳輔等並未復敢習敎應毋庸議原任滄州
知州莊詠並無藏匿邪書業因另案經鹽政厲惠
叅奏革職亦毋庸議巡檢虞俊等飭令回任供職
全案供招咨部並將順天府尹原奏及陳紹榮原
稟并在戴眞先家起獲原書封送軍機處謹

奏奉

硃批刑部議奏

嘉慶十九年五月二十二日

奏爲遵

旨查審明確定擬具奏事竊臣欽奉

上諭本日步軍統領衙門奏盤獲清河縣人張九存據供
該縣城外紅河里莊有任明雲同子任軍師係屬邪教
並有在邛家莊地方居住之邛老尙邛小兒荔子莊居
住之張舉等均係入教之人在任明雲家夜聚曉散伊
姪張得幅張得祿及張梅張柯亦同在教張得幅等先
曾勸伊入教伊因畏累赴京首告經張得幅等勸回及
至到家張得幅等又欲將伊謀害是以此次復來舉首
並稱任軍師係逆匪林清滋事案內劉大功之徒等語
除將張九存交刑部訊問外著那彥成刻卽派員前赴

清河將任明雲任軍師拏獲究明所習何教有無不法情事並將從伊入教各犯一併傳訊究明張得幅等如何入教及謀害張九存各情一併查明由驛具奏不准因循其原告張九存刑部訊供後仍令解交直隸歸案質訊英和等原摺著抄寄閱看欽此當卽飭委署順德府知府阿霖深州知州凌泰交前往會同廣平府知府彭應杰督同清河縣知縣黃湘寧查明縣屬境內並無紅河里莊惟有洪可村該村有任明雲暨伊子任尙有又查邨家莊有邨老尙暨伊子邨能青並無任軍師邨小兒其人隨將任明雲邨老

尙父子及張九存指控之張舉等一併拏獲搜查
任明雲等家內並無不法經卷符咒及違禁器械
等物研訊任明雲等均係莊農良民並無習教傳
徒張得幅等亦無謀害張九存情事其劉大功一
名該縣上年訪聞王湖莊有劉功習教當經獲案
審訊劉功倚恃年老並不承認嗣奉前署督_臣章
煦檄飭接准山東撫_臣同興咨會德州拏獲匪犯
郭爲畛供出劉功係屬教頭咨提質訊該縣簽差
起解詎劉功行至景州地方因病身故似卽係張
九存所指之劉大功該縣將任明雲等備文申解

並准刑部將張九存遞解到省隨飭發臬司錢臻
督同保定府知府盛泰等審擬詳解前來臣隨提
集應訊人等親加研鞫緣張九存籍隸清河縣素
行無賴先曾充當縣役悞卯革退嗣有堂兄張九
鎧挾嫌捏姦汚巉族婦張高氏赴都察院具控張
九存爲其抱告訊擬杖責咨部結案其總麻服叔
張梅張柯與任明雲誼屬瓜葛邛老尙係張九存
孀居總麻服婦張顧氏妹夫張舉卽張琚係張九
存孀居親嫂張張氏胞弟張得幅張得祿卽張張
氏之子均係張九存期親服姪向俱莊農度日嘉

慶十八年五月十三日張九存飲入醉鄉往向親
嫂張張氏借錢時張張氏在家獨處張九存麴蘖
迷心向氏撲抱調戲張張氏不依喊罵經族姪張
偉聞聲趕至將張九存拉走張張氏尾追用頭向
撞張九存拾磚嚇擲未中適張張氏之子張得幅
等回家瞥見因畏張九存兇橫未敢與較次日張
張氏歸向胞弟張琚哭訴往找張九存理論經張
九存胞兄張清源服禮勸息又是年八月初二日
張九存存在集買得邱老尙耕牛一隻言明大錢十
二千約俟下集初七日給價至期邱老尙與張九

存在集撞遇向索無償因不知張九存住處卽往
向妻姊張顧氏述知囑其引至張九存家將午牽
回張九存遷怒張顧氏堵門辱罵經張顧氏告知
張九存之服叔張梅張柯將張九存責處又是年
九月十二日張九存見任明雲在集賣線向借錢
文未遂卽向混罵任明雲數說其非並欲扭住送
官經衆勸散又是年十二月內張九存招留素識
之曲周縣乞丐袁坤與子袁良才并安徽靈璧縣
人范西城在家居住十九年正月間張九存赴京
找尋伊姪張第二外出其留住之乞丐袁坤旋卽

患病張得幅係屬隣居慮恐受累邀同張柯進京
將張九存找回袁坤業已病故張得幅等囑將袁
良才范西城驅逐張九存欲令給錢始允遣散適
值該縣編查戶口經張梅張柯將袁良才范西城
稟縣訊明遞籍此張九存素不安分及與任明雲
等挾嫌之原委也閏二月內張九存復又進京聽
聞各處查拏邪教因任明雲等素有嫌隙起意誣
告拖累洩忿尙未具呈卽被步軍統領衙門拿獲
審問張九存卽誣指任明雲同子任尙有念經學
好邱老尙等聽從入教因不知任明雲邱老尙之

子係屬何名隨捏名任軍師邨小兒并捏稱張得幅商同邨老尙等欲將伊謀害又憶及該縣上年冬間拏獲劉功一名解往山東審辦妄指任尙有係劉功之徒將劉功錯供劉大功經步軍統領據供具奏欽奉

諭旨交臣派員查拏究辦委據署順德府知府阿霖等將任明雲等傳到查訊均係莊農良民並無入教傳徒謀害張九存情事搜查各家均無不法經卷符咒及違禁器械等件一併稟解並准刑部將張九存遞解來省飭委臬司督同保定府等審明擬議

解勘前來 臣親提研鞫各供前情如繪究詰不移

案無遁飾查張九存素行無賴曾向親嫂張張氏
撲抱調戲賒買邱老尙牛隻指不給價迨邱老尙
將牛牽回復遷怒張顧氏指引之非堵門辱罵又
因向任明雲借錢不遂懷忿混罵并容留外來乞
丐袁坤等在家居住經張張氏之弟張琚張顧氏
夫弟張梅張柯理論責處張得幅又將乞丐稟官
驅逐該犯不自知罪膽敢因此挾嫌妄供任明雲
父子念經學好邱老尙等聽從入教冀圖掣累甚
至誣及親嫂張張氏總麻服叔張梅等全家男婦

殊屬不法查所供各情節惟所指任尙有係逆匪
林清滋事案內劉功之徒一節最爲重大如果屬
實任尙有應依左道惑人爲從例發額魯特爲奴
今訊係子虛自應按律坐誣張九存除調姦親嫂
罪止擬流輕罪不議外合依誣告充軍抵充軍役
律應改發新疆充當苦差面刺外遣二字以昭炯
戒任明雲等均訊無習教傳徒及謀害張九存情
事應毋庸議並將供招咨部謹

奏奉

硃批刑部議奏

嘉慶十九年七月初六日

奏爲遵奉

諭旨委員慎密查辦恭摺覆奏事竊本月初五日承准軍

機大臣字寄欽奉

上諭本日明亮奏伊車夫延福拾獲匿名揭帖一件內控告獻縣知縣張翔素同林清一黨上年馮克善往投張翔張翔將其縛獻今陞授河間知府白蓮教定於七月二十日自河間府交通起手等語上年拏獲馮克善解京屢經部臣研審嗣復經廷訊若果有與張翔同黨往投被其縛獻情事馮克善豈肯不據實供明以洩其恨

其爲挾嫌誣扳情理顯然除已交步軍統領嚴拏投遞
匿名揭帖之人外但既有此許告並有七月二十起事
之說爲時甚近不可不密爲訪查著那彥成卽時派委
委員迅速前往河間密查該處有無逆黨勾結形迹或
投遞匿名揭帖之人到京投遞後又已潛赴該處並著
一體訪拏再查張翔近日曾否拏有逆案內人犯或未
經詳辦又行放走致令乘間來京計圖反噬又或張翔
之幕友長隨書役有被其撻逐責草者造爲此語報復
傾陷均密行飭知委員令其逐一細訪得有端倪密拏
嚴究那彥成一經接據稟報卽先行由驛覆奏所有匿

名揭帖照抄發給閱看此事甚有關係汝切勿因循片刻勉力速辦欽此遵查獻縣知縣張翔拏獲馮克善一案因據景州拏獲引送馮克善之劉天祥劉哲二名到省審出馮克善往獻縣一帶地方飛飭緝拏該縣張翔訪得縣屬冉家三角村有一人在彼賣藥形迹可疑會同把總典史前往拏獲訊據供稱名劉德朋帶有劉姓祖遺

誥軸張翔因其年貌服色與飭緝之馮克善相符其時尙未確知其爲馮克善至押解到省提同劉天祥等質訊馮克善方肯供認所帶

誥軸係在劉天祥家攜取希圖護身爲劉姓憑據經前署

督臣章煦繕摺具奏一面遵

旨解京審辦是馮克善確係張翔於獻縣之冉家三角村
地方拏獲並非馮克善往投張翔致被縛獻已屬
可信至上年馮克善解京後節經部臣研審並經
廷訊果與張翔同黨往投被其縛獻誠如

聖諭馮克善豈肯不據實供明是匿名揭帖出於奸徒已
邀

聖明洞燭惟既有此匿名之帖轉不可不確切究明以釋
殊

外間浮議查現在河間府各州縣具稟公事皆稱

殊聽信此言謬極視現六名

地方靜謐自上年林清案後所有滋事亂民均經

及五十九名皆良民乎況伏而未動及漏網不

掃滅無遺雖各州縣曾有被誘愚民入教喫齋之

知名者不可以數計故為此言錯謬之至

事近亦極知懼怕大半首官出具悔結而今年大

秋豐稔民氣甚覺恬熙並無別情所稱七月二十

日白河間起事之說似不足信查清河道韓文綺

先經臣委赴河間審辦景州呂占魁首告葛錫華

等一案適於初四日旋省今臣又密詢該道地方

情形據該道亦稱二十日之說實無影響臣即恭

錄

諭旨密飭該道欽遵

指示情節詳細慎密訪查務將匿名訐告之人拏獲此事

自不難水落石出至原帖仍懇

皇上發下以便臨時核對筆迹

臣惟有謹遵

指示嚴速辦理斷不敢稍事因循致煩

垂厪謹

奏

嘉慶十九七月初八日軍機大臣字寄奉

上諭那彥成奏查辦匿名揭帖一摺內稱河間府各州縣具稟公事僉云地方靜謐此言皆係虛詞不過地方官酬應上司爲此粉飾之語豈可信以爲實至稱自上年

林清案後所有滋事亂民均經掃滅無遺此則尤爲謬妄上年林清案內逃逆犯如祝現等六名及其餘五十九名皆日久稽誅並有曾預逆謀漏網不知姓名如現經拏獲之李添相等類此者想仍不少那彥成能保河間境內竟無一人溷迹藏匿耶一府如此他處亦然那彥成身任直隸總督現當責成搜拏逸犯緊要之際豈可率聽屬員浮詞心存怠忽惟當激發天良督飭所屬上緊查緝總期盡獲逸犯勿徒以空言塞責至此案投遞匿名揭帖之人務設法訪獲研究確情其原帖著分半發給以便獲犯時比對筆迹

嘉慶十九年七月十四日

奏爲恭摺奏

聞事竊查河間府知府張翔被人匿名訐告與林清係屬同黨馮克善因往投張翔致被縛獻一案前奉

諭旨著臣派委委員前往密查等因當委清河道韓文綺前往查辦并繕摺奏蒙

聖鑒茲張翔因奉部調取引

見來省請咨臣接見之下試問當日拏獲馮克善并現在

地方有無習教各情形張翔應對如常毫無疑懼

臣現留在省暫緩給咨一面遵照前奉

硃

可

指示情節詳細辦理至張翔居心忠厚實非狡詐之流其

將張翔革職等語矣
才具亦不能開展將來引

見時自蒙

聖明鑒察又訪其平日所延幕賓及往來親友並長隨書役人等因其爲人長厚相待並不刻薄均無怨尤近日亦無拏有逆案人犯未經詳辦復行放走之事至上年拏獲馮克善實係張翔訪聞冉家三角村有一人在彼賣藥形迹可疑會同把總典史拏獲時有武生張光仲帶領數人趕至相幫並未在場細縛捉拏適省中委員向劉天祥等究出馮克

善逃往獻縣行文緝拏張翔查對年貌衣服與現
獲之犯相符覆訊仍不承認而獻縣教諭傅曾啟
聞知張翔獲得要犯往懇於稟內列名作為協緝
張翔不敢捏冒當即回覆嗣將馮克善解省質認
明確經前署督臣章煦奏明解部審辦張翔奉

硃

旨超陞知府該教諭傅曾啟因未得冒功邀

此人甚屬可疑

恩頗有煩言武生張光仲亦向挾詐張翔以張光仲事後
趕至幫捕究屬急公酌賞銀兩傅曾啟又唆令張
光仲以分賞不公等情赴河間府具控前府景慶
正在訊究即值交卸張翔到任未幾京中隨有匿

名許告之案並據清河道韓文綺查得獻縣同城
文職除典史外主簿訓導俱係新近更換惟教諭
傅曾啟與張翔係舊日同官傅曾啟之弟傅曾來
可移充當順天府尹書吏於六月初一日自獻縣進京

至獻縣實在安靜無事其餘情節與臣訪聞相同
查該教諭傅曾啟希圖冒功邀

恩央懇張翔於拏獲馮克善稟內為其列名因張翔不允
噴有煩言并唆令武生張光伸控告其與張翔挾
有嫌隙已可概見查傅曾啟住家順天府衙門內
更可疑矣

與明亮住宅相近許告張翔匿名揭帖即係明亮

硃

車夫延福所拾誠難保非傅曾啟主令伊弟傅會
來所爲並恐車夫延福亦有知情串通情事從此
根究或可得其端倪臣現飭清河道韓文綺再提
張光仲研訊傅曾啟究竟如何唆令控告并再加
嚴密訪查一面密寫信與步軍統領順天府尹嚴
拏傅曾來到案訊問令其書寫字迹核對並傳喚
延福質訊有無知情串通各情並卽解直歸案審
辦謹

奏

嘉慶十九年七月十八日軍機大臣字寄奉

上諭那彥成奏查訪河間府知府張翔被人匿名訐控一案訪出上年該府拏獲馮克善時曾有獻縣教諭傅曾啟欲圖捏冒邀功懇其列名協緝因該府回覆未允頗有煩言曾唆使武生張光仲控告張翔分賞不公傅曾啟之弟傅曾來曾充當順天府書吏於六月初一日自獻縣進京其家卽住順天府署內與明亮住宅相近種種可疑難保非傅曾啟主使伊弟傅曾來所爲等語傅曾啟冒功未遂銜恨張翔伊弟傅曾來又形迹可疑那彥成所見甚是當經面諭英和會同順天府密行查究本日據英和等奏傅曾來卽傅泰交曾充順天府書吏

於十七年因事斥革現在並未居住府署本年六月間
曾有劉姓書吏遇見傅曾來在正陽門外客店居住嗣
復移住伊戚蔣廷揚家傳到蔣廷揚訊問據供傅曾來
於六月二十日間到京二十六日移居伊家二十七日
說赴順天府找人至七月初三日仍回伊家居住現於
十二日已赴涿州南門內找任姓家看望等語此件匿
名揭帖明亮車夫係於初二日檢獲正在傅曾來二十
七日起順天府找人之後初三日回蔣姓家之前看來
此事係傅曾來所爲無疑現在英和等已派番役前赴
涿州查拏但恐該犯或由涿州又往獻縣亦未可定著

那彥成卽速派員前往獻縣傅會啟教諭署內嚴密查緝並多派員役在於涿州至獻縣一帶沿途截拏務期弋獲其教諭傅會啟卽著解任交那彥成提至省城研究並派員在伊署中檢查伊兄弟字迹書信以憑核對一經訊有確供迅速覆奏

嘉慶十九年七月二十三日

奏爲訪獲匿名揭告河間府張翔案內形迹可疑之傅會來一犯審訊大概供情先行奏

聞事竊查張翔被匿名揭控一案前經臣訪出曾有獻縣教諭傅會啟於張翔拏獲馮克善時欲圖列名冒

功張翔不允因生嫌隙唆使武生張光仲控告張翔分賞不公傳會啟之弟傅曾來曾充順天府書吏於六月初一口自獻縣進京其家卽住順天府署內與明亮住宅相近形迹可疑等情具奏蒙

皇上飭令英和等查訊傅曾來已於十二日前赴涿州著

臣嚴密查緝並將教諭傅曾啟解任提省研究當

經臣一面遵

旨飛飭清河道韓文綺將傅曾啟解任卽在其家內檢查字片比對筆迹並將武生張光仲一千人等俱令核對筆迹一併押解來省訊辦一面密飭各屬查

拏傅會啟之弟傅會來務獲究辦旋據保定府知府盛泰稟稱已將傅會來在省城客店內訪獲到案臣當令該犯自寫供詞比對筆迹不符訊據供稱大興縣人三十四歲原名傅泰交充當順天府書吏因遲悞公文草退於上年十月赴胞兄傅會啟教諭任所閒住本年六月欲進京謀食於初一日自獻縣起身初八日到京在楊梅竹斜街慶雲店暫住四日搬至親戚蔣廷揚家居住時常進城出城探望親友至二十七日復進城赴順天府衙門東公廨相好之仇七家暫住常在順天府衙役

班房往來並在該班房住宿一夜於初三日仍至
蔣家商允蔣廷揚邀約涿州居住之任光祖夥開
錢舖卽於十二日前赴涿州與任光祖相商未妥
任光祖託伊來至保定代李永清出典租房甫經
投店卽被盤獲等語臣查該教諭因張翔不允冒
功卽唆令張光仲出頭具控現據韓文綺稟稱究
出該教諭於本月十二日又囑令生員馬枏轉寄
張光仲緝拏匪徒諭帖一張倒填十一月初九日
期當此查辦唆告之時尙欲行此巧狡是早計及
揭帖案發預爲冒功地步更屬可疑而伊弟傳會

來又於檢獲揭帖之前後數日在該處左近遊蕩
閒住其爲該教諭寫就揭帖囑令乘空投遞更屬
顯然現在該教諭尙未提解到省連日研究傳會
來堅不承認惟稱自六月二十七日進城在仇七
家住宿四夜在順天府差役班房與柳英王文奎
周老曹二張大等同宿一夜詰其究係何夜則稱
不是二十九卽是初一訊其何事不能指出又問
以初二日早在何處僅稱與該班役等閒話初二
日一早並未他往此節更屬狡展又訊以京師各
大臣住宅伊大半識認問至明亮住宅何處卽稱

不知再三詰訊又稱與明宅車夫閻姓認識閻延
字音相同或卽係延福亦未可知至車夫原係竊
人縱使識字亦何能知係匿名揭帖且初二日於
何時何地檢獲該犯既有識認閻姓之供亦應從
此根究查該犯穿用白綢大衫紅裏青緞套褲大
穗褲帶服色邪靡素非安分之徒身軀怯弱難以
驟加刑訊案情較重不厭精詳應請

旨勅下順天府將柳英王文奎周老曹二張大並仇七傳
案訊明該犯究係何夜在班房住宿初二日早究
竟曾否他往有無可疑形迹並車夫延福一併錄

供

飭發以憑質訊謹

奏

嘉慶十九年八月初七日

奏爲訪獲匿名揭告形迹可疑之教諭傅曾啟等訊非
正犯先行擬結以省拖累事竊照本年七月初二
日明亮車夫閻福檢獲匿名揭帖控告河間府知
府張翔係林清匪黨馮克善往投被其縛獻後復
有教匪與張翔交通於七月二十日起手等情一
案奉

旨令

臣

嚴密查拏究辦經

臣

訪出獻縣教諭傅曾啟於張

翔拏獲馮克善欲圖冒功曾唆使武生張光仰等
控告張翔分賞不公伊弟傅曾來於六月內自獻
縣進京其家卽住順天府署內與明亮住宅相近
形迹可疑當經飭委清河道韓文綺馳赴獻縣查
閱傅曾啟署內字片比對筆迹並請將傅曾來七
月初一二日同住之仇七等傳喚質訊各等情先
後奏蒙

聖鑒在案嗣據該道韓文綺於傅曾啟署內檢查伊弟兄
叔姪平素字片並傳令門斗學書及在學署往來

之生員等各自書寫供詞比對筆迹俱不相符隨將傅會啟等押解來省並據刑部將仇七並明亮車夫閻幅解送到案臣督同司道保定府連日隔別研訊緣傅會啟係大興縣人中式乙卯科副榜考充教習議敘知縣自行呈請就敘選授獻縣教諭上年十一月奉文緝拏逆匪傅會啟卽出示文武生員幫同緝拏並曾向張翔而托如有拏獲逆匪列名協緝希冀得功十二月初五日張翔拏獲馮克善時傅會啟在府送考未經列名傅會啟因失機機會頗生惋惜迨張翔奉

旨趙陞知府出貲賞給頭役張廣輝銀二百二十兩散役
四人各銀八十兩幫同緝拏之民人趙爾在王蘭
張敬趙文彩張廣彩五人銀各二十四兩其僅止
在外跟隨之張廣成張文達武生張光仲均未賞
給詎張光仲等以差役得賞獨多於正月十一日
赴河間府具控因批交張翔查覆不敢回縣卽進
京欲行具控經頭役張廣輝央人勸回各分給銀
十餘兩遞呈息案後傅曾啟復於二月內令門斗
王廷簡往喚張光仲囑其在學署再控欲圖詳明
上司續賞武生拏獲逆犯教官藉可得功因張光

仲患病不能進城旋即中止迨七月初十日清河
道韓文綺馳赴河間查知張光仲曾有控告分賞
不公之事疑其投遞揭帖託詞續賞前功將張光
仲等傳喚到府傳會啟在縣聞知復生羨慕寫就
緝拏逆犯諭帖倒填上年十一月十九日期交生
員馬杓寄交張光仲呈出妄希僥倖得功及詰其
如何書寫揭帖則極口呼冤堅供實無其事臣查
傳會啟預囑張翔列名協緝未遂所欲已難保其
不生嫌怨嗣復傳喚武生張光仲赴學呈控復於
查辦之時補給張光仲倒填月日諭帖而伊弟傳

曾來又適於六月進京於檢獲揭帖之前後數日
均在明亮住宅左近借住種種情節均屬可疑復
連日督率司道等逐層熬訊據傅曾啟供稱張翔
拏獲馮克善之時伊在府送考斷無列名之理張
翔亦曾向解說本無可挾之嫌其喚令張光仲赴
學呈控亦因張翔超陞知府欲藉張光仲呈詞稟
請上司續敘前功張光仲因病未至業經中止迨
至七月初九日聞清河道有傳喚張光仲續賞前
功之信始行補給諭帖總因母老家貧急欲陞官
起見與張翔毫無嫌怨何至遽生陷害之心自冒

重罪投遞匿名揭帖只求詳情並據傅曾來供稱
伊於六月初八日卽已到京如果有攜帶胞兄囑
遞揭帖豈肯遲至七月初二日投遞且七月初一
日伊在仇七家內住宿初二日早日出後始行出
門有仇七可以訊問至前供認識之車夫閻姓係
養車之戶現在到案之車夫閻幅素不相識實無
串通投遞揭帖之事質之間幅供亦相同並查閱
刑部錄取仇七供詞傅曾來實係初二日早出日
後始行出門而閻幅係於日出時檢獲揭帖細心
推鞠檢獲揭帖在前傅曾來出門在後其非該犯

投遞似尙可信查投遞匿名揭帖之人居心險詐
本圖陷害無辜洩已私忿必需確查正犯嚴加究
辦始足以示懲警現在傅曾啟等既經逐一訊無
確據自應先行擬結以省拖累惟傅曾啟希冀邀
功既傳喚武生呈控事後仍倒填月日補給諭帖
身膺師鐸唆詞倖功實屬不堪應請

旨革職以正風化武生張光仲於細拏馮克善並未在場
輒藉曾經在外附和卽以分賞不公邀人呈控殊
屬多事應予褫革示懲餘屬無干概予省釋仍一
面飭委幹員嚴密查拏正犯並請

旨飭下步軍統領順天府五城一體訪緝務獲究辦謹
奏

嘉慶十九年八月初八日軍機大臣字寄奉

上諭那彥成奏訪拏匿名揭告形迹可疑之教諭傅會啟
等訊非正犯先行擬結等語此案傅會啟既因張翔拏
獲馮克善超陞知府希冀邀功喚令並未在場幫拏之
武生張光仲呈控分賞不公並補給倒填月日緝拏逆
犯諭帖迹涉可疑伊弟傅會來所供七月初二日日出
後始行出門恰在車夫閻幅拾獲匿名揭帖之後其語
亦未可信獻縣教諭傅會啟著革職武生張光仲著褫

草交刃彥成再行詳悉研鞫卽審明傳曾啟等確非呈遞匿名揭帖之人亦暫時羈禁不可令其逃逸該督仍一面派員上緊訪察務究出真犯使案無疑義以成信讞並有旨飭諭步軍統領順天府五城一體嚴緝矣

嘉慶十九年九月十八日

奏爲遵

旨覆訊具奏事竊照河間府知府張翔被人匿名揭告與林清係屬同黨馮克善因往投張翔致被縛獻等情一案前經訪獲形迹可疑之教諭傅曾啟等訊非正犯擬結具奏欽奉

上諭此案傳會啟旣因張翔拏獲馮克善超陞知府希冀邀功喚令並未在場幫拏之武生張光仲呈控分賞不公並補給倒填月日緝拏逆犯諭帖迹涉可疑伊弟傳曾來所供七月初二日出後始行出門恰在車夫闖幅拾獲匿名揭帖之後其語亦未可信獻縣教諭傳曾啟著革職武生張光仲著磔草交邵彥成再行詳悉研鞫卽審明傳會啟等確非呈遞匿名揭帖之人亦暫時羈禁不可令其逃逸該督仍一面派員上緊訪察務究出真犯使案無疑義以成信讞欽此

臣

督同司道將傳

會啟等提至當堂令該革員將如何書寫揭帖造

弟傅曾來進京投遞切實供吐據傅曾啟仍復極口呼冤堅供實無其事臣以傅曾啟喚令張光仲呈告張翔分賞不公並補給倒填月日緝拏逆犯諭帖及伊弟傅曾來適於檢獲揭帖之前後數日均在明亮住宅附近借住種種形迹可疑之處逐一嚴詰據傅曾啟供稱因本年正月內張光仲曾在府控告張翔分賞不公一時糊塗欲喚令在儒學具呈代爲詳稟希冀武生有功效官藉得好處張光仲因病未至業已中止迨七月初間清河道傳喚張光仲赴府聞係續賞前功始託生員馬枏

帶給倒填月日諭帖希冀倖邀好處如果先已遣
弟進京投遞揭帖豈肯於傳喚張光仲之時補給
諭帖自取敗露且本年二月我奉委解送臚錄進
京五月始行出京若有揭告張翔之心豈有不自
行投遞揭帖而必假手於人之理況我與張翔並
無讐隙又何至遽萌陷害之心自冒重罪匿名揭
告總因功名念熱欲圖取巧陞官以致種種可疑
屢蒙嚴審實不知揭帖內所寫何詞無從默寫等
語並據傳會來供稱伊於七月初一日在仇七家
借住初二日日出後始行出門斷無白晝投遞揭

帖之事連日研訊加以描耳跪鍊俱堅供不移

臣

查審辦匿名揭帖之案總以默寫語句比對筆迹爲憑今傳會啟所寫親供與原帖字迹迥不相符閻幅所拾揭帖似非該革員書寫至傳會來在仇七家借住距明亮住宅尙有二三里之遙查閱刑部咨開仇七供詞傳會來係於初二日日出後始行出門車夫閻幅檢獲揭帖係在日出之時是據刑部所錄仇七等供詞閻幅檢獲揭帖在先傳會來出門在後其非該犯投遞亦尙可信惟傳會啟始則喚令武生張光仲控告張翔分賞不公繼又

給與倒填年月緝拏逆犯諭帖傅曾來又在明亮
住宅左近居住揭帖適係明亮車夫閻幅檢獲誠
如

聖諭迹涉可疑傅曾啟業已革職應與伊弟傅曾來遵
旨暫時留省羈禁一面上緊訪察究出正犯再行訊辦武
生張光仲仍照前奏斥革完結謹

奏奉

硃批嚴審查緝勿懈

嘉慶二十年五月二十五日

奏現在正犯尙未查獲傅曾啟等自上年監禁以來幾

將一載據伊母傅唐氏以老病乏食呈請釋放前來查傅曾啟業已革職已足懲其唆訟之罪可否同傅曾來提監解回原籍大興縣取具的保釋放之處臣未敢擅便伏乞

訓示遵行仍飭屬訪緝匿名揭帖之犯務獲訊辦謹

奏

嘉慶二十年五月二十七日奉

上諭那彥成奏已革教諭傅曾啟等可否釋放回籍等語傅曾啟前經唆訟革職已足蔽辜著與伊弟傅曾來一併提禁解回原籍保釋

嘉慶十九年七月三十日

奏爲審明定擬具奏事竊臣欽奉

上諭據英和等奏有派去委員王大用在交河縣緝獲齊
聞章一犯及伊子齊麟書並起出白旗白蠟杆等件已
由該縣解省審辦該督卽研鞫明確核實定擬具奏欽
此臣查此案先據河間府知府景慶稟稱據前署
交河縣知縣姜人烈稟報風聞齊聞章曾經習教
差拏到案起出遠年破爛十王經一本并烏鎗一
杆繩鞭一條查閱十王經內有黃村進錢糧一語
又有黃村呂祖立至今得興隆天下衆善人掛號

對核同四句其餘並無違悖字樣訊據齊聞章供稱伊前曾念經修好有馮好友馮維新馮其鳳馮玉千四人拜從爲師嘉慶十一年間被馮貴安等告發經該前縣責處伊具結悔過至所起經卷係已故姑母孟姓家之物烏鎗等件爲防夜所用等語差傳馮維新馮其鳳到案訊據供稱早經改悔質之馮貴安等亦稱齊聞章等被伊等控告責處之後實已悔過並未再犯等語將齊聞章擬杖馮維新等免議稟府批准保釋嗣據交河縣知縣潘國詔稟報據步軍統領委員拏獲齊聞章齊麟書

二犯并起獲破舊白布旗一面係舊藍布鑲邊約長四尺上寫舉止有度鑼鼓齊鳴八字又起出白蠟杆一根該縣續獲馮維新馮其鳳二名具稟到府現在提郡審辦等情當經臣批司提省審辦在案隨行據臬司將齊聞章等及原保人高雲德等並先後起出白旗等件一併提省該司率同保定府查驗白旗經卷實係遠年存留之物破爛不堪旗上并十王經內所寫字句與該縣府所稟無異隨提齊聞章審訊據稱伊於嘉慶十年間與伊兄齊聞選拜從獻縣人王朝鳳爲師趕出十王經係

王朝鳳給與齊聞選經內語句伊不知作何講解亦不曉得黃村在何州縣藍布鑲邊白旗係七八年前祈雨所做烏鎗等件防夜所用齊聞選並孟姓均已故絕等語當卽委員馳赴獻縣查拏王朝鳳逃逸無蹤訪得武強縣河南屯等村有民人鄭文顯等係王朝鳳徒弟恐其赴彼藏匿密移武強縣查無王朝鳳蹤迹亦無經卷圖像及不法器械將鄭文顯等拏獲解省據臬司錢臻督同保定府知府盛泰審明定擬解勘前來臣親提研鞫緣齊聞章籍隸交河縣莊農度日與在逃之獻縣王家

殊

鐵坊村人王朝鳳隣村認識王朝鳳常在各處行

醫素習一炷香離卦教齊聞章妄信習教可修來

殊

世於嘉慶十年間與胞兄齊聞選拜王朝鳳為師

殊

王朝鳳教令每日燒香磕頭念誦無字真經歌訣

及真空家鄉無生父母八字并送給齊聞選抄寫

十王經一本聲言念誦此經可以超度亡魂勸化

世人齊聞章轉收現獲之馮維新馮其鳳暨未獲

之馮好友馮玉千四人為徒齊聞選並未傳教十

一年五月內縣民馮貴安等赴縣首告差拘究訊

殊

齊聞章未將王朝鳳供出經該前縣將齊聞章等

殊

杖責取結完案齊聞章等均經改悔十八年九月
內齊聞選病故齊聞章將其所遺之十王經一本
取回遇有親人物故將十王經念誦該前署縣風
聞齊聞章曾經習教差拏到案并起出經卷烏鎗
等物查閱經卷並無違悖字樣訊據齊聞章供稱
早經改悔烏鎗等物係防夜所用亦未將王^x朝鳳
供出該前署縣將齊聞章問擬杖責稟府批准保
釋嗣經步軍統領委員至縣訪聞將齊聞章並伊
子齊麟書拏獲並搜出藍布鑲邊白旗一杆白蠟
杆一根該縣又續獲馮維新馮其鳳二名同前次

硃

起獲經卷等物稟解來省經臬司率同保定府等
查驗起獲白旗上寫有舉止有度鑼鼓齊鳴八字
十王經內有往黃村進錢糧一語又有黃村呂祖
立至今得興隆天下衆善人掛號對核同四句語
涉妄誕此外並無悖逆字樣提訊齊聞章始據供
出拜從王朝鳳爲師至經內語句不知作何講解
亦不識黃村在何州縣藍布鑲邊白旗七八年前
祈雨製做鳥鎗等件防夜所用復委員馳赴獻縣
查拏王朝鳳逃逸無蹤訪得武強縣河南屯等村
人鄭文顯等係王朝鳳徒弟誠恐赴彼藏匿經嚴

硃 硃

殊

殊

殊

殊

殊

縣密移武強縣親詣鄭文顯等家搜查並無王朝
鳳蹤迹亦無經卷圖像及不法器械將鄭文顯王
洛耀楊九尹洛夫郝得傑等五名拏解來省訊據
鄭文顯供認會因患病請王朝鳳醫痊勸令入教
遂拜爲師王朝鳳教伊念過無字真經伊又引進
王洛耀楊九尹洛夫郝得傑四人拜王朝鳳爲師
屬實王洛耀等旋因王朝鳳係屬邪教遂未學習
擬議解勘前來臣親提研鞫各供前情如繪恐有
勾結逆匪謀爲不法及知情容留藏匿匪犯各情
事嚴究至再加以刑訊矢口不移並令齊聞章等

硃

念誦無字真經歌訣內多荒誕不經之言尙無悖

人嚴禁務獲審明卽行正法

逆語句現在王朝鳳弋獲無期自應先將現犯定

擬查律載左道惑人爲首者絞監候又例載左道

惑人爲從者發新疆給額魯特爲奴又現獲之犯

稱逃者爲首無証佐指認者將現獲之犯照例擬

罪監禁俟逸犯就獲後質訊明確定地起解各等

語此案齊聞章聽從王朝鳳習教傳徒并收藏十

王經卷念誦殊屬不法齊聞章應照左道惑衆爲

從例改發新疆給額魯特爲奴惟檢閱起出十王

經內有黃村進錢糧及黃村呂祖立等語句如指

硃

硃

宛平縣之黃村而言則與逆匪林清居住之宋家

莊相近誠恐有謀逆情事今嚴訊齊聞章堅供此

項十王經係王朝鳳送給伊兄齊聞選之物該犯

於齊聞選故後取回收存並不知經中語句作何

講解亦不知黃村在何州縣等語是否實係王朝

鳳所給現在王朝鳳未獲難保無狡卸避就情事

應將齊聞章牢固監禁俟緝獲王朝鳳質訊明確

再行照例辦理齊聞選聽從王朝鳳習教并收藏

經卷本干例擬業已病故應毋庸議鄭文顯聽從

王朝鳳入教復引進王洛耀等四人共拜王朝鳳

硃 硃 硃 硃

爲師殊屬不法應亦按例問擬鄭文顯請照左道
惑人爲從例發新疆給額魯特爲奴王洛耀楊九
尹洛夫郝得傑等四犯先被鄭文顯誘引拜王朝
鳳爲師旋即改悔與左道惑人爲從有間均應照
不應重律杖八十加枷號一個月滿日各折責三
十板取具改悔甘結存案如敢復犯加等治罪馮
維新馮其鳳前拜齊聞章爲師被馮貴安等稟縣
責處後卽行收過應與並未隨從伊父齊聞章入
教之齊麟書均請免議高雲德等因齊聞章前次
犯案後並未復行習教傳徒是以赴縣具保均請

免議逸犯王朝鳳嚴緝務獲究辦十王經卷備案
俟緝獲王朝鳳到案核訊烏鎗等件發回該縣銷
燬文武失察私藏烏鎗及前署交河縣知縣姜人
烈訊供不實各職名分別查取咨參並將全案供
招咨部謹

奏奉

硃批刑部議奏

謹按嘉慶十九年九月二十九日

奏報奉

旨飭查劉國旺控告之張三力英雄少林等會派委通永

道盛泰都司圖勒畢善前往查拏奉

硃批覽

嘉慶十九年十一月十八日

奏爲遵

旨審明定擬恭摺具奏事竊查良鄉縣屯居旗人劉惻旺

赴都察院呈控房山縣住旗張三力擅立英雄少

林會名目併將伊兄劉惻安毆傷等情一案欽奉

諭旨交

臣

嚴拏審擬具奏欽此並准都察院將劉惻旺遞

解來省

臣

遵卽派委通永道盛泰都司圖勒畢善

前往將張三力等按名拏獲將查訊過大概情形

於在京時面爲陳奏一面委員審辦茲據保定府知府阿霖審明定擬由臬司李鑾宣解審前來隨親提研鞫緣劉幗旺係鑲白旗印保佐領下漢軍屯居良鄉縣董家村與屯居房山縣梨園店莊頭張三力素相認識張三力因每年春間良鄉涿州一帶冇娘娘廟香會捐出已資催覓鄉間年少孩童扮演禪劇赴廟進香會畢卽散咸謂年少可觀稱爲少齡勝會並無惑衆歛錢興立邪教之事嘉慶十九年九月十二日張三力率同伊子張秉公在良鄉縣琉璃河茶鋪喫茶適劉幗旺踵至張三

力相邀共飲時劉惲旺已醉與張三力閒談口角致相扭結經衆勸散劉惲旺歸向伊兄劉惲安告知十四日早張秉公赴琉璃河趕集與劉惲安撞遇劉惲安憶及前情當向混罵張秉公之戚胡爽趨護彼此揪扭致抓傷劉惲安額顙左右太陽左眼角右眼胞右腮頰鼻梁并用拳毆傷其右眼左腮頰摔跌倒地並傷右胯又用木鞭杆毆傷其偏右踢傷其脊背劉惲安辱罵張秉公亦用防身鐵串釘毆傷劉惲安頂心右腮頰右膝蓋右腿肚右臙腓經胡大海勸散張秉公回家向伊父張三力

告知張三力隨捏劉綱安將伊子等毆傷等情赴
良鄉縣具控劉綱安亦赴縣呈訴經該縣驗訊取
供醫治証劉綱旺因張三力護子捏控心生氣忿
卽捏張三力爲西霸天張秉公爲二頭目胡大海
胡爽并張大爲三頭目興立英雄少林會等詞赴
都察院具控奏奉

諭旨交

臣

嚴拏審辦遵卽飭委通永道盛泰等將張三力

等拏獲到省委員審擬茲據保定府知府阿霖審
明擬議由司解審前來臣親提研鞫據供前情不
諱恐實有聚集多人興立英雄少林會情事究詰

不移案無遁飾查律載告二人以上但有一人不實罪雖輕猶以誣告論又例載募越赴京告重事不實者發邊遠充軍又新例自號教師演弄拳棒并輪叉舞棍遍遊街市射利惑民者杖一百流三千里各等語今劉幗旺因兄劉幗安被張秉公毆傷張秉公之父張三力先行捏控既經劉幗安控縣驗訊自應聽候官斷乃輒捏造張三力與立英雄少林會等詞赴京具控殊屬不法現在訊明張三力每年僱覓孩童扮劇賽會屬實劉幗旺所控尙屬有因惟將無干拉勒之胡大海捏造三頭口

綽號指爲張三力會中人等重情一併具控係屬
告重事不實自應按例問擬劉燭旺合依告二人
以上但有一人不實以誣告論竊越赴京告重事
不實者發邊遠充軍例發邊遠充軍至配所杖一
百折責四十板張三力訊無與立英雄等會勾引
匪徒夜聚曉散情事惟每年春間僱集孩童扮劇
賽會以致民間稱爲少齡勝會實非安分之徒該
縣附近京城自應從嚴懲辦以杜煽惑愚民之漸
張三力應比照自號教師演弄拳棒并輪叉舞棍
遍遊街市射利惑民者杖一百流三千里例應杖

一百流三千里至配所折責四十板劉輅旺張三
力均係屯居旗人應據實發配張秉公用鐵串釘
毆傷劉輅安頂心等處胡爽用木鞭杆毆傷劉輅
安偏右等處若依他物毆入成傷律擬笞無以示
儆張秉公胡爽均照不應重律杖八十各加枷號
一個月滿日折責三十板胡大海張大訊無幫毆
情事應免置議再扮劇賽會恐不止房山縣一處
現在通行飭禁以靖地方並供招咨部謹

奏奉

硃批刑部議奏

嘉慶二十年正月二十一日

奏爲遵

旨密派幹員馳往寧津縣劉家莊查拏劉添同等來省究
辦先行覆奏事竊查河間府寧津縣民崔受選赴
步軍統領衙門首告縣民劉添同係屬白蓮邪教
等情一案欽奉

諭旨那彥成接奉此旨卽密派委幹員弁將劉添同并伊
媳于氏及劉發兒等拏獲根究傳家之老婦傅係何名
姓立即嚴拏迅速具奏一併解至省城卽彥成親加研
鞫據實具奏若確係祝劉等首逆卽行多加官役兵弁

迅速解京此事那彥成總當視爲實有其事認真查辦
不可預存成見以爲迹近挾嫌誣告之案無關緊要不
忠不孝之罪汝能當乎如將來審明後崔受選實係誣
捏再將該犯照例治罪可也欽此臣伏查崔受選首告

劉添（名）應嚴密拏究其傳教之老師
傅（名）知姓名誠如

聖諭或所係逆犯祝現等在彼藏匿亦未可定尤應迅速
拏獲遵卽派委候補道李于培署河間府事候補
道程卓樑馳赴宣津縣劉家莊嚴密查拏務將劉
添同等按名拏獲追究傳教之老師傅係屬何人

是何姓名嚴拏務獲訊取供詞迅速具稟核奏一

面解省臣仍親提審究倘實係祝琨等首逆自當

欽遵

諭旨多派官弁兵役押解進京臣受

恩深重地方緊要事件務期迅速從實查辦斷不畝稍存
成見視爲無關緊要自取重咎謹

奏奉

硃批嚴拏務獲審明速奏

嘉慶二十年二月十八日

奏爲訊明崔受選誣告邪教一案按律定擬恭摺具奏

事竊臣承准軍機大臣字寄嘉慶二十年正月十

九日欽奉

上諭本日步軍統領衙門奏直隸河間府寧津縣民崔受
選首告縣民劉添同係屬白蓮邪教等情已明降諭旨
交那彥成查拏審訊矣此案據崔受選供稱劉添同係
屬白蓮邪教去年秋後有不知姓名老師傅赴伊家傳
習劉添同劉家老幼俱鑽入老師傅黃布單下聲言上
天其兒媳于氏因不肯入教致被休棄經于氏之弟于
大及劉家莊居住之劉發兒向伊告知等語劉添同居
住寧津縣之劉家莊闔家習教其不知姓名之老師傅

或卽係逆犯祝現等在彼藏匿未可定那彥成接奉此旨著卽密派妥幹員弁星夜馳往劉家莊地方將劉添同併伊媳于氏及劉發兒等拿獲嚴究傳教之七師傅係何姓名立即嚴拿迅速具奏一併解至省城那彥成親加研鞫據實具奏若確係祝劉首逆卽行多加官役兵弁迅速解京此事那彥成總當視爲實有其事認真查辦不可預存成見以爲迹近挾嫌誣控之案無關緊要不忠不孝之罪汝能當乎如將來審明後崔受選實係誣捏再將該犯照例治罪可也欽此

臣

遵卽派委

候補道李于培署河間府事候補道程卓樑馳往

該處嚴密查拏一面奏

聞在案旋據該道等稟稱星夜馳抵寧津督同該縣陳鴻猷密赴劉家莊拏獲劉添同之子劉義和劉德劉添同之妻張氏及啞吧幼女查訊劉添同已於嘉慶十七年間身故其家並無老師傳傳教之事遍搜亦無不法圖像經卷及違悖字迹劉義和之妻于氏係因夫婦不和於嘉慶十三年被休另嫁高大寺莊劉姓爲妻生有二子長子六歲次子四歲並非因去年秋後不肯入教致被休棄劉發自亦於上年物故隨差傳于氏及于氏之父于朋弟十

黑于氏之後夫劉世則劉發兒之子劉宿兒崔父
選之父崔思孝及牌頭隣佑人等到案審訊僉供
劉添同家實係良民並非邪教劉添同與劉發兒
身死年月及于氏被休另嫁緣由悉與劉義和等
所供符合該道等復密加察訪並傳附近紳士明
白開導冀得實情及逆犯蹤迹據該紳士等僉供
劉添同實非邪教業經身故該莊亦無外來面生
可疑之人投具甘結將緊要人証押解進省並准
步軍統領將原告崔受選遞解來直隨飭發委員
審辦去後茲據保定府知府阿霖審明定擬由臬

司李鑾宣覆審詳解前來臣親提研審緣崔受選籍隸寧津縣賣油生理與劉添同隣村居住誼屬瓜葛並無讐隙嘉慶八年間劉添同之子劉義和娶于朋之女于氏爲妻時劉義和年僅十三于氏年已十七因劉義和不知人事夫妻不和劉添同與妻張氏心生憎惡嘉慶十三年將于氏送回經伊父于朋主婚改嫁與高大寺莊劉世則爲妻業已生有二子劉添同旋於嘉慶十七年間因病物故嘉慶十九年秋間崔受選因賣油折本出外傭趁十二月十九日崔受選在齊化門外覓工有

知姓名人向其盤問是否白蓮教會否與逆犯有
清認識崔受選告知來歷並詢問因何盤問不知
姓名人聲言盤獲白蓮邪教可得重賞崔受選因
無盤費圖得賞銀憶及劉家莊居住之劉發兒曾
向其言及劉添同無故將子媳于氏休棄了是好
人家之語起意首告劉添同家係白蓮邪教希冀
得賞並添造去年秋後有不知姓名老師傅赴伊
家傳習劉添同闔家老幼鑽入老師傅黃布單內
聲言上天其媳于氏因不肯入教致被休棄有劉
發兒于大向伊告知等情於本年正月十七日赴

步軍統領衙門喊告訊供具奏奉

旨交

臣

查拏究辦遵卽飭委候補道李于培等查明劉添同早經物故將劉添同之子劉義和等拏獲訊明伊家並非白蓮教去年秋後實無老師傳至伊家傳教之事于氏係因夫婦不和於嘉慶十三年間休回改嫁所生之子已有六歲實非去年因不肯入教致被休棄將應訊人等解省飭發保定府知府阿霖提同崔受選訊明定擬由司覆審詳

臣

親提研鞫各供前情如繪恐有不實不盡之處覆加究詰不但劉義和等堅稱並無傳教之事卽被

休改嫁之于氏亦代剖甚力質之。又選俯首無
詞該犯之父崔思孝亦稱劉添同家並無傳習和
教查于氏果因不肯入教被夫家休棄改適心懷
怨恨可知現在伊夫等既被崔受選告發該氏正
可據實供吐以便治伊夫家之罪今該氏力爲剖
辨則崔受選所告劉添同家習教係爲圖賞捏告
似無疑義查律載誣告充軍抵充軍役又例載左
道惑人爲從改發新疆給額魯特爲奴各等語此
案崔受選因希圖得賞輒誣劉添同全家學習和
教如果首告得實劉添同雖死其子劉義和等均

罪應發遣爲奴今審屬虛誣自應依律反坐崔魯
選合依誣告充軍抵充軍役律應發新疆給額魯
特爲奴劉義和等訊無學習白蓮教情事應免置
議並全案供招咨部謹

奏奉

硃批刑部議奏

刑文毅公初任直隸總督奏議卷三十九